

職方典第六百八十七卷

蘇州府部紀事

府志魯成公七年吳伐郟郟及吳平楚圍宋之役申公巫臣與子重子反皆未施恩未行恐國人不位二子殺巫臣之族而分其室巫臣自晉請使於吳吳子壽夢說之巫臣乃寡人欲強國伯王何由吳始伐楚入州來是以始大通於上國

昭公二十有八年吳闔閭元年始任賢使能施恩行惠以仁義聞於諸侯仁未施恩未行恐國人不就諸侯不信乃舉伍子胥爲行人以客禮事之而與謀國政闔閭謂子胥曰寡人欲強國伯王何由而可子胥良久對曰臣聞治國之道安君理民是其上者闔閭曰安君治民其術奈何子胥曰凡欲安君治民興霸成王從近制遠者必先立城郭設守備實倉廩治兵庫斯則其術也闔閭曰善夫築城郭立倉庫因地制宜豈有天氣之數以威鄰國者乎子胥曰有闔閭曰寡人欲計于子子胥乃使相土嘗水象天法地造築大城周廻四十七里陸門八以象天八風水門八以法地八卦築小城周十里陸門三不開東面者欲以絕越明也立閭門者以象天門通闔閭風也立蛇門者以象地戶也

閩閩欲西破楚楚在西北故立閩門以通天氣因復名之破楚門欲東并大越越在東南故立蛇門以制敵國吳在辰以位龍也故小城南門上反羽爲兩鯢鱣以象龍角越在巳地其地蛇也故南大門上有木蛇北首向南示越屬於吳也城郭以成倉庫以具閩閩復使胥屈蓋餘燭庸習戰騎射御之術

十年越王允常興兵伐吳吳在楚越盜掩襲之

東寇侵吳吳王親征東寇不敢敵收軍入海據東洲沙吳師入海逐之據沙上相守屬時風濤糧不得渡王禱天東風大震水上金色逼海遠王沙洲百匝澇漉得魚食之美三軍踊躍東寇不獲魚送降款按春秋定公五年卽閩閩十年其夏於越入吳正石首發生之月豈東寇卽於越然史記云十年春越聞吳王在郢國空乃伐吳吳使別兵擊越吳王留郢夫差歸吳自立閩閩聞之乃引兵歸則征東意歸後事齊民要術又以至海逐島寇爲漢武帝然史但云武帝過江至海不云征東或因閩閩誤也

諸將旣從楚還復謀伐齊齊侯使女爲質於吳吳王因爲太子波聘齊女女少思齊日夜泣因乃爲

病閼闔乃起北門名曰望齊門令女往遊其上女思不止病日益甚乃至殂落女曰令死者有知必葬我於虞山之巔以望齊閼闔傷之正如其言乃葬虞山之巔是時太子亦病而死閼闔謀擇諸侯子可立者未有定計波子夫差日夜告於子胥曰王欲立太子非吾而誰當立此計在君耳子胥曰太子未有定我入則決矣閼闔有頃召子胥立太子子胥曰臣聞紀廢於絕後興於有嗣今太子不祿早失侍御今王欲立太子者莫大乎波之子夫差閼闔曰夫差愚而不仁恐不能奉統於吳國子胥曰夫差信以愛人端於守節敦於禮義父死子代經之明文閼闔曰寡人從子立夫差爲太子使太子屯兵守楚留止自治宮室立射臺

烈王死幽王立封春申君於吳三年幽王徵春申爲楚令尹春申君自使其子爲假君治吳十一年幽王徵假君與春申君并殺之二君治吳凡十有四年後十六年秦始皇并楚百越乃叛去東名大越爲山陰也

府志漢高帝十三年以兄仲之子劉濞有從破黥布功封吳王王三郡五十三城已拜受印高祖相之曰若狀有反相獨悔業已拜因拊其背曰漢後五十年東南有亂豈若邪然天下同姓一家慎無

反潁頓首曰不敢至文帝時潁子入侍皇太子博爭道不恭太子引博局提殺之潁稱疾不朝始有反謀帝賜以几杖謀乃解

惠帝五年夏大旱太湖涸冬雷桃李花

景帝三年晁錯議削郡潁遂反上以周亞夫爲將軍討之潁戰敗走丹徒東越人殺之

安帝永初元年十二月地震大水大風雨雪

獻帝興平中吳中童謠曰黃金車斑斕耳闔闔門出天子後孫權遂以黃龍元年建吳國

後漢時海賊丁義欲向郡郡內驚惶不能捍禦太守聞彭修義勇請守吳修身與義相見宣國威德賊遂解去民歌之曰時歲倉卒盜賊縱橫大戟强弩不可當賴遇賢令彭子陽

會稽王太平元年八月朔大風江海涌溢平地水深八尺拔大木二千餘株石碑碰動吳城兩門飛

落

烏程侯天冊元年城中掘地得銀尺長一尺廣三分上刻有年月字

晉惠帝元康中吳郡懷瑤家忽聞地中有犬聲視聲發處有竅如蟻穴掘眎得犬子雌雄各一目猶

未開哺之能食選置竅中覆以磨礬越宿視之失所在矣尸子曰名曰地狼夏鼎志曰掘地得犬名曰賈

懷帝永嘉元年吳縣民萬祥婢生一子烏頭兩足馬蹄一手無尾黃色大如枕 四年吳郡司鹽都尉於海邊獲一船有男女四人遍體生毛毛約半寸許身短小無衣服語言不通送詣丞相府未至道死惟一人在上賜之婦生子以後出入市井漸曉人語自言所生是毛民也 五年吳縣民張林家狗作人言天下人饑死

元帝太興元年郡城米廩無故自壞大饑 二年吳縣境無麥無禾民大饑

明帝太寧三年三月白鳥見吳郡海虞獲以獻羣官畢賀

成帝咸和二年以庾冰爲吳國內史將兵備蘇峻峻反三吳欲起義兵庾亮不聽以虞潭督三吳諸郡軍事 三年峻破臺城遣兵攻庾冰冰不能禦棄郡奔會稽峻以蔡謨爲吳國內史司徒導與

張闔謀密令以太后詔諭三吳吏士使起義兵會稽內史王舒以庾冰行奮武將軍將兵一萬西渡浙江時郡人顧衆爲義興太守還吳潛圖義舉將軍張慙爲峻收兵於吳衆遣人諭慙慙從之衆遣

人告謨曰衆已潛合家兵待時而奮乃檄衆爲本國督護衆弟颺爲前鋒督護吳中人士同時響應遂與虞潭皆起應冰張闔遣吳郡度支運四部穀以給軍峻遣其將弘徽鼓行而前衆與颺慙要擊於高狹大破之謨以庾冰還任便去郡遣颺率諸軍屯無錫颺等大敗海虞道入自往備之賊帥張健馬流攻無錫颺等大敗冰亦失守健等遂據吳城管商焚吳縣虞潭遣將拒之亦敗衆自海虞由婁縣稟食與賊戰破之義軍又進集屯烏菴王舒虞潭并檄衆爲五郡大督護潭前鋒戰沒衆還守紫壁或勸衆過浙江衆不從合諸將復進健留錢弘爲吳令退於曲阿衆至路丘斬弘進處吳城遣督護朱祚等九軍攻城大破之峻敗後其將劉微率衆數千浮海入婁縣詔以郗鑒都督諸軍事討平之九月峻伏誅蘇峻東征沈充請吏部郎陸邁與俱將至吳密出左右令入閭門放火以示威陸知其意謂峻曰吳治平未久必將有亂若爲亂階請從我家始峻遂止

咸康元年六月大旱民饑斗米值五百錢人相鬻
七年縣境木連理太守王恬以聞

康帝建元元年癸卯災風

簡文帝咸安二年大旱饑

安帝隆安元年狗常夜聚阜橋上吠聲甚衆人往視見一狗兩三頭皆向前亂吠未幾有孫恩之亂三年會稽世子元顯發東土諸郡免奴爲客者置京師以統兵役東土嶄然孫恩因民心騷動遂反旬日衆數十萬郡縣兵皆望風奔潰恩據會稽自稱征東將軍八郡皆爲恩有詔徐州刺史謝琰及加劉牢之都督吳郡諸軍事牢之引劉裕爲參軍共討之恩驅男女二十餘萬逃入海以琰爲會稽太守都督五郡軍事戍海浦四年五月恩復入會稽琰敗死十一月吳國內史袁粲築滬瀆壘以備之五年五月恩陷滬瀆殺粲

元興元年三月臨海太守辛景擊破之恩所擄三吳男女死亡殆盡乃赴海死四月大饑戶口減半義熙十一年王弘守郡坐廳視事見天上一赤物下狀如信幡遙集路南民居屋上火遂發弘知爲天災晉室衰微之象

晉時縣境一山崩出一石鼓扣之無聲張華云可以蜀中桐木刻作魚形擊之則鳴如其言果聲聞數里

宋文帝元嘉二年西洞庭華山寺池中生千葉白蓮花

齊明帝永泰元年帝疑會稽太守王敬則反側以張瓌爲吳郡太守置兵佐密防之中外傳言當有異處分敬則遂反帥實甲萬人過浙江瓌遣兵三千拒之於松江聞敬則金鼓聲一時走散瓌逃匿民間敬則以舊將舉事百姓擔簦荷鍤隨之者十餘萬衆至晉陵前軍司馬左興盛輔國將軍劉山陽築壘於丹陽禦之敬則戰敗斬首傳建康

梁太清三年侯景亂遣于子悅等將羸兵數百東略吳郡新城戍主戴僧邊說太守袁君正閉關拒守君正素怯郊迎之子悅執君正掠奪財貨子女東人皆立堡拒之九月景使侯子鑒入吳郡以庾公蘇單于爲太守遂寇吳興或勸吳興守張嶧效君正迎降嶧曰袁氏世濟忠貞不意君正一旦墮之吾豈不知此難久全但以身許國有死無二耳子鑒執送建康死之

簡文帝大寶元年旱蝗大饑

陳宣帝太建中大水 十三年十一月有大星北來磨拂竹木皆有光飛至城下墮地時劉元進舉兵據郡見而惡之令掘地得一石徑丈餘

唐高祖武德四年十一月杜伏威將王雄誕擊子通子通降聞人遂安據崑山無所屬伏威單騎造

其城下陳國威靈示以禍福遂安感悅出降於是伏威盡有江東之地秋七月子通復叛被獲伏誅武德間長洲縣民家牛生犢五足有鱗

太宗貞觀十五年五月黑白二龍鬬於虞山之東黑龍負觸石破山走血瀝澗中石爲赤

德宗貞元中太湖淞江口有漁人下網取魚無所獲惟得一鏡七八寸許漁者悲不得魚棄鏡於水移船下網又得鏡漁者異之取鏡自照見其臍府歷歷其人驚而仆衆共取鏡以照照者卽仆最後一人不敢照取而投之水良久仆者始醒明日復往下網所得魚數倍於常時其人先有疾者自是愈故老云此鏡在江湖中數百年一出云

順宗永貞二年李錡跋扈于浙西朝廷以杜兼爲蘇州刺史兼辭行上書稱錡且反上然之留爲吏部郎中

憲宗元和二年李錡反先是以其腹心爲所部五州鎮將各有兵數千伺察刺史動靜至是使各殺其刺史於是蘇州刺史爲姚志安生敗生致於錡且桎梏釘於船蓐未及京口會錡敗乃免十一月錡伏誅

穆宗長慶二年大雨太湖水溢平地乘舟

宣宗大中元年丁卯西洞庭桃花塢鑿井得天王像

懿宗咸通中異鳥來栖山木四目三足自鳴曰羅平

咸通中崔璞守吳郡時皮日休爲郡從事

與處士陸龜蒙爲文會友風雨晦明蓬蒿翳苔未嘗不作詩璞問爲詩亦令兩人屬和吳中名士亦多與焉一年間所盈積龜蒙哀爲十通日休名之曰松陵集

僖宗乾符二年浙西狼山鎮遏使王郢有戰功節度賞以職名而不給衣糧郢論訴不獲遂劫庫兵作亂行收黨衆近萬人攻陷蘇州及毗陵轉掠二浙後爲劉巨容所殺 六年三月不雨秋成忽生石鼠夜出食穀殆盡

中和三年空中有聲如轉磨無雲而雨是謂天隕泣光啟初柳超據昆山招討使周寶遣將張郁戍海上郁叛寶遣兵討之郁退保常熟走海陵後死

昭宗天復三年三月大雪平地三尺其氣如烟其味苦十二月大雪湖冰絕流

天祐元年九月大雪風寒如隆冬

唐慧聚寺有毗沙門天王像形模如生乃楊惠之所作惠之初學畫見吳道子藝甚高遂更爲塑工亦能名天下後稚山侍郎以此像得塑中三昧嘗紀其事謂其傍侍者尤佳且戒後人不可妄加塗飾近爲一俗工修治遂失初意

後梁太祖開平二年八月淮南遣周本呂師造擊吳越九月圍蘇州

三年四月鏐遣其弟牙內

指揮使鏐及弟鋸與行軍副使杜建徽等救之城中將臨海孫瑱號孫百計密製守禦之具淮人以洞屋攻城瑱設高竿竿上著大輪盤載大鐵渴烏引半繩運出城外而及其洞屋鼓譟而揭去之賊兵盡露因加矢石淮人退舍尋復縱巨石擊城聲如雷以震城中瑱乃盡取公私結網用巨木張之蔽於城上石之墜者悉著網中敵計遂阻有水通城中淮人張網綴鈴懸水中魚鼈過皆知之吳越都虞候司馬福潛水入城以竿觸網敵聞鈴聲舉網福因得過居水中三日乃得入城復出由是城中號令與援兵相應敵以爲神鏐嘗遊府園見園卒陸仁章樹藝有智而識之及蘇州被圍使仁章通信入城果得報而返吳越兵內外合擊淮南兵大敗擒其將何朗閭丘直等三千餘人獲兵甲生口三十萬奪戰艦二百艘周本夜遁又追敗之於黃天蕩鍾泰章將精兵二百爲殿多樹旗幟於菰

古今圖書集成
蔣中追兵乃不敢進而還

宋太宗至道二年甘露降於瑞光禪院時有白龜合歡芍藥雙竹知州陳省華以四瑞聞於朝
仁宗天聖元年大水無稼湖田生聖米饑民取以爲食

景祐中張文定公方平宰崑山時蔣堂侍郎爲郡守得其所著芻蕘論三十篇上之因舉爲賢良方
平知崑山時吳越歸國未甚久郡邑地曠民占田無紀歲遠多侵越訟數十年不能決乃召問所輸
租稅幾何大約百餘一二悉收其餘以賦貧民自是無訟

皇祐間民居牆以白堊書在字數萬家無一遺者隱僻處皆徧

嘉祐中顧逕海上有一船桅折風漂泊岸船中三十餘人衣冠如唐人繫紅鞵角帶短皂衫見人皆
慟哭語言莫辨行則相綴如鴈行有頃自出一書乃唐天祐中告授新羅島陪戎副尉又一書乃上
高麗國表亦稱新羅島皆漢文字蓋島人之臣屬高麗者時贊善大夫韓正彥爲崑山令召其人犒
以酒食爲治桅造轉軸教其起倒之法其人皆以手捧額而謝船中所有諸穀惟麻子最大如蓮蒡
土人種之初歲不異後乃漸小如中國者矣

神宗熙寧八年夏大旱太湖涸水退數十里湖心見有古丘墓街陌井甃秋無稼大饑

元豐元年七月四日夜大風雨水高二丈漂沒塘岸無存吳長洲吳江常熟同崑山漂沒張浦沙保六百餘戶

四年七月大西風駕湖水漫漫民居濱湖者皆蕩盡或舉家不知所所在吳江長橋亦推去其半南至平望皆如掃死者萬餘人翌日水退漸獲流屍焚殯焉時謠曰吳江以北露地而哭吳江以南刈禾而歌

五年大雨太湖水溢

徽宗大觀中章莊敏質夫之子縉蔡京誣以盜鑄詔開封尹李孝壽來置獄連逮千餘人屯甲士圍其家鉦鼓聲徹晝夜郡人震駭又遣御史沈疇蕭服姚某重鞫州人多閉戶從門隙中窺不敢正視方章氏事前城中小兒羣聚而唱云沈逍遙莫知其由已而三御史至

政和元年八月霖雨不止傷稼是年學中一石終夜放光校官上其事於州知州盛章作瑞石放光頌達於朝

二年大成殿一夕雷擊殿柱火光燭天東壁楣上遺一四帶青布巾大可貯五斗粟學官以香案置之中庭詰旦視之亡有

高宗紹興二年米貴斗值千錢大饑時軍餉緊急民生益艱

三年八月地震自西北來樹木搖

動 四年四月五日霖雨壞蠶桑傷禾稼冬旱 五年自春至秋不雨八月大雨湖水汎溢田

廬坍沒十月大風拔木歲饑 二十八年七月大風雨湖水橫駕壞田廬漂溺數百里

孝宗隆興元年八月大風水螟災是年大賈並海爲奸利知府張孝祥捕治籍其家粟數萬石明年
吳大饑竟賴以濟 二年七月大水浸城舟行廛市人多溺死

乾道元年二月民饑大疫死徙不可勝計 三年八月大水壞民田青蟲食稼大災是年羣盜毛

鼎等掠海邊召捕弗獲詔屬知府姚憲不數月悉擒之

淳熙元年八月大雨傷稼穹窿山石自移一夕聞風雨聲自東徙西屹立如植所過草猶偃

嘉熙三年八月飛蝗入境止食秣稻或木葉屋茆 四年大饑市人肉日未晡路無行人

甫里白蓮寺乃陸魯望故宅後有祠堂蓋唐時物咸淳間有盛氏子醉遊寺中因仆其像於水則滿
腹皆其詩文親藁也寺僧訟於郡時郡守倪普深怒之遂責盛氏子而更塑其像雖少雪天隨之辱
而無復當時之腹藁矣

金史魏子平傳正隆三年子平爲賀宋主生日副使是時海陵謀伐宋子平使還入見海陵問江左

事且曰蘇州與大名孰優子平對曰江湖地卑濕夏服蕉葛猶不堪暑安得與大名比也海陵不悅府志元儒學提舉朱德潤至元三十一年其母吉宜人將就館祖母施夫人病亟祖父祕書君卜窆陽抱山欲穿壙以爲藏施夫人夜夢衣冠偉丈夫來告云勿奪吾宅吾且爲夫人孫明日役者鑿地深五尺許得一石碑刻曰鬱林太守陸君績之墓別有石刻在旁曰此石爛人來換石果斷矣祕書君命掩之而更卜兆施夫人復夢偉衣冠者謝曰感夫人盛德吾真爲夫人孫矣是夜德潤生子孫聚居崑山至今爲衣冠巨族

成宗大德五年七月朔大雨太湖水挾颶風湧入城中路學廟堂崩縣治公署民居多捲入半空死者萬計 十年五月大水七月大風低鄉水淪縣民王佑家酒甕忽作牛鳴覆之則止去覆復鳴三日乃已八月高鄉蝗災

仁宗延祐中黃姚鹽場貢課甚多一夕海潮驟漲入夜有光熠熠煮鹽皆紫色每鑊視舊獲數倍逋課得償已復白色

英宗至大三年三月紫芝產於崇明縣崇真道院山門瓦領間是年大水 四年春大饑民以糠

乾和草藥煮食流離餓死相繼道途

四年吳江陳思村耕夫墾土得磚於古礦中村民王氏買

得之有文曰赤烏五年造又一方甕上刻曰吳郡餘姚邵氏夫人之墓一小銅帶鉤背有大吉二字
五年七月颶風路學尊經閣傾倒喬木坊表斯拔

順帝元統二年五月雨雹大者如雞卵小者如蓮實皆有一眼如雕刻自後大雨水田半淹大疫

三年水六月訛言朝命拘攝童女籍入爲宮婢民間男女十二三以上婚嫁失配守土官吏與色目
人皆然

至正初長江一夕忽竭舟楫閣於塗江中多物人爭取之潮忽至有淹死者如是累日乃平復

二年大水湖翻大風駕太湖水湧入民居頃刻倒蕩是年嘉定邑民張明二家母猪生象三日而斃
一都有二虎爲民害有司移文萬戶府集衆捕之一虎目中矢死其一咆哮夜號若尋偶者追曉不

見 十三年張士成僭號居蘇州兵糧饒足雄視一時丞相士信守湖州糴二美姬以進士誠起

香桐芳蕙二館居之又選三吳良家女八十餘人充內使時宮闕未備就於府後起重樓邃閣數十
間以爲閨閣之所總名之春錦園嘗以彩漆金花舟施錦帆載美人泛舟於城內列妓女於上使唱